

華嚴經卷四十八 如來十身相海品第三十四

開經偈；無上甚深微妙法 百千萬劫難遭遇 我今見聞得受持 願解如來真實義

引言

佛陀的身是無量的莊嚴所集成，佛陀的好是無數度化眾生的慈悲所成就。在本卷可以認識到佛陀的莊嚴。一般人都喜歡自己的相貌莊嚴，因為大家都喜歡看美麗的人、事、物。

大部分的人所追求的莊嚴，就會從外在的皮膚、衣著、髮型去努力。現在流行醫美，因為現在的人重視形象；佛法也需要有一個好的形象，六根具足，端正。不是因為自己貪圖美貌或希望別人喜歡，而是藉由六根的端正與具足可以攝受眾生。

這一卷談到佛陀的相好，要讓我們知道「相」與「好」是經由累劫的修行而成就，是真正的萬德莊嚴。

綱要:明大智攝化，所感正報有十種身。(正報，即指依過去善惡業因而感得之果報正體，如生於人間，則具備四肢五官，受人間之果報；生於畜牲，則具備羽毛齒革，受畜牲之果報。依報，即指依於正報而受相應止住之所的果報，如受人間之正報者，則必有與其相應之家屋器物等依報；受畜牲之正報者，則必有與畜牲相應之巢穴等依報)

如來十身相海品，談佛陀的正報有十種身，皆是因為佛陀累劫的智慧所攝化成就的果德。

佛的十身相好莊嚴，猶如大海，無窮無盡，無邊無際，所以叫相海。

P430 普賢菩薩摩訶薩，告諸菩薩言。佛子。今當為汝演說如來所有相海

佛陀的莊嚴相貌，在佛法裡有一個名稱，叫做「大人相」。什麼是「大人」，這裡的大人不是成人的意思，也不是做官的大人，而是指發廣大心的菩薩。《八大人覺經》中指出，只要能夠晝夜正思維，即可以稱為大人。菩薩就是大人。

如來的大人相是什麼樣貌?此品總共列舉九十七種，以下擇要說明；

一 頂上:光照一切方大人相

P430 佛子。如來頂上，有三十二寶莊嚴大人相。

其中有大人相。名光照一切方。普放無量大光明網。一切妙寶以為莊嚴。寶髮周徧，柔軟密緻。一一咸放摩尼寶光。充滿一切無邊世界。悉現佛身，色相圓滿。是為一。

如來的頂上有三十二種大人相，第一個稱為光照一切方，佛陀的髮質很好柔軟密緻，頭頂發光，呈現一遍光網，寶光為廣度眾生之用。

P431 次有大人相。名佛眼光明雲。以摩尼王種種莊嚴。出金色光，如眉間毫相，所放光明。其光普照一切世界。是為二。

次有大人相。名充滿法界雲。上妙寶輪以為莊嚴。放於如來福智燈明。普照十方一切法界諸世界海。於中普現一切諸佛及諸菩薩。是為三。

P432 次有大人相，名示現普照雲。真金摩尼種種莊嚴。其諸妙寶，咸放光明。照不思議諸佛國土。一切諸佛於中出現。是為四。

次有大人相，名放寶光明雲。摩尼寶王清淨莊嚴。毗瑠璃寶以為華鬘。光照十方一切法界。於中普現種種神變。讚歎如來往昔所行智慧功德。是為五。

P433 次有大人相，名示現如來徧法界大自在雲。菩薩神變寶燄摩尼以為其冠。具如來力，覺悟一切。寶燄光輪以為其鬘。其光普照十方世界。於中示現一切如來坐於道場。一切智雲，充滿虛空無量法界。是為六。

次有大人相。名如來普燈雲。以能震動法界國土。大自在寶海而為莊嚴。放淨光明。充滿法界。於中普現十方諸菩薩功德海，過現未來佛智慧幢海。是為七。

P434 次有大人相。名普照諸佛廣大雲。因陀羅寶，如意王寶，摩尼王寶，以為莊嚴。常放菩薩燄燈光明。普照十方一切世界。於中顯現一切諸佛眾色相海，大音聲海，清淨力海。是為八。

次有大人相。名圓滿光明雲。上妙瑠璃摩尼王種種寶華，以為莊嚴。一切眾寶，舒大燄網。充滿十方一切世界。一切眾生悉見如來現坐其前。讚歎諸佛及諸菩薩法身功德。令人如來清淨境界。是為九。

P435 次有大人相。名普照一切菩薩行藏光明雲。眾寶妙華以為莊嚴。寶光普照無量世界。寶燄普覆一切國土。十方法界通達無礙。震動佛音。宣暢法海。是為十。

次有大人相。名普光照耀雲。毗瑠璃因陀羅金剛摩尼寶，以為莊嚴。瑠璃寶光，色相明徹。普照一切諸世界海。出妙音聲。充滿法界。如是皆從諸佛智慧大功德海之所化現。是為十一。

P436 次有大人相。名正覺雲。以雜寶華而為莊嚴。其諸寶華，悉放光明。皆有如來坐於道場，充滿一切無邊世界。令諸世界普得清淨。永斷一切妄想分別。是為十二。

次有大人相。名光明照耀雲。以寶燄藏海心王摩尼而為莊嚴。放大光明。光中顯現無量菩薩，及諸菩薩所行之行。一切如來智身法身諸色相海充滿法界。是為十三。

P437 次有大人相。名莊嚴普照雲。以金剛華毗瑠璃寶而為莊嚴。放大光明。光中有大寶蓮華座。具足莊嚴。彌覆法界。自然演說四菩薩行。其音普徧諸法界海。是為十四。

次有大人相。名現佛三昧海行雲。於一念中，示現如來無量莊嚴。普徧莊嚴一切法界。不思議世界海。是為十五。

P438 次有大人相。名變化海普照雲。妙寶蓮華如須彌山。以為莊嚴。眾寶光明。從佛願生。現諸變化。無有窮盡。是為十六。

次有大人相。名一切如來解脫雲。清淨妙寶以為莊嚴。放大光明。莊嚴一切佛師子座。示現一切諸佛色像，及無量佛法。諸佛刹海。是為十七。

次有大人相。名自在方便普照雲。毗瑠璃華。真金蓮華摩尼王燈妙法燄雲，以為莊嚴。放一切諸佛寶燄密雲。清淨光明，充滿法界。於中普現一切妙好莊嚴之具。是為十八。

P439 次有大人相。名覺佛種性雲。無量寶光以為莊嚴。具足千輪，內外清淨。從於往昔善根所生。其光徧照十方世界。發明智日。宣布法海。是為十九。

次有大人相。名現一切如來相自在雲。眾寶瓔珞。瑠璃寶華。以為莊嚴。舒大寶燄，充滿法界。於中普現等一切佛刹微塵數去來現在無量諸佛。如師子王勇猛無畏。色相智慧，皆悉具足。是為二十。

P440 次有大人相。名徧照一切法界雲。如來寶相，清淨莊嚴。放大光明。普照法界。顯現一切無量無邊諸佛菩薩智慧妙藏。是為二十一。

次有大人相。名毗盧遮那如來相雲。上妙寶華，及毗瑠璃清淨妙月，以為莊嚴。悉放無量百千萬億摩尼寶光。充滿一切虛空法界。於中示現無量佛刹。皆有如來結跏趺坐。是為二十二

P441 次有大人相。名普照一切佛光明雲。眾寶妙燈以為莊嚴。放淨光明。徧照十方一切世界。悉現諸佛。轉於法輪。是為二十三。

次有大人相。名普現一切莊嚴雲。種種寶燄以為莊嚴。放淨光明。充滿法界。念念常現不可說不可說一切諸佛，與諸菩薩，坐於道場。是為二十四。

P442 次有大人相。名出一切法界音聲雲。摩尼寶海上妙栴檀，以為莊嚴。舒大燄網。充滿法界。其中普演微妙音聲。示諸眾生一切業海。是為二十五。

次有大人相。名普照諸佛變化輪雲。如來淨眼以為莊嚴。光照十方一切世界。於中普現去來今佛所有一切莊嚴之具。復出妙音，演不思議廣大法海。是為二十六。

P443 次有大人相。名光照佛海雲。其光普照一切世界。盡於法界無所障礙。悉有如來結跏趺

坐。是為二十七。

次有大人相。名寶燈雲。放於如來廣大光明。普照十方一切法界。於中普現一切諸佛，及諸菩薩，不可思議諸眾生海。是為二十八。

P444 次有大人相。名法界無差別雲。放於如來大智光明。普照十方諸佛國土，一切菩薩道場眾會無量法海。於中普現種種神通。復出妙音，隨諸眾生心之所樂，演說普賢菩薩行願，令其迴向。是為二十九。

次有大人相。名安住一切世界海普照雲。放寶光明。充滿一切虛空法界。於中普現淨妙道場，及佛菩薩莊嚴身相。令其見者得無所見。是為三十。

P445 次有大人相。名一切寶清淨光燄雲。放於無量諸佛菩薩摩尼妙寶清淨光明。普照十方一切法界。於中普現諸菩薩海，莫不具足如來神力，常遊十方盡虛空界一切剎網。是為三十一。

P445 次有大人相。名普照一切法界莊嚴雲。最處於中，漸次隆起。閻浮檀金因陀羅網以為莊嚴。放淨光雲。充滿法界。念念常現一切世界諸佛菩薩道場眾會。是為三十二。

佛子。如來頂上，有如是三十二種大人相以為嚴好。

二 眉間:遍法界光明大人相

P446 佛子。如來眉間有大人相。名徧法界光明雲。摩尼寶華以為莊嚴。放大光明。具眾寶色。猶如日月，洞徹清淨。其光普照十方國土。於中顯現一切佛身。復出妙音宣暢法海。是為三十三。

佛像的兩眉中間有一個點，有人以為是痣，是時尚不是痣，這是如來眉間的大人相。造佛相時為了表達這光明從眉間射出，就安置一顆珠寶以表達佛陀眉間的光明，此光明可演唱妙音，這就是白毫相光。

三 眼:自在普見雲大人相

P446 如來眼有大人相，名自在普見雲。以眾妙寶而為莊嚴。摩尼寶光，清淨映徹。普見一切，皆無障礙。是為三十四。

如來的眼型很莊嚴，眼光很清澈，是慈眼視眾生，心不生邪念。眼睛是靈魂之窗，看一個人的眼睛，就可以知道此人的心術的正與邪，是聰明還是愚笨。有煩惱還是沒煩惱；眼睛的功能就要向佛眼一樣，普見一切，皆無障礙。

四 鼻: 一切神通智慧雲大人相

P446 如來鼻有大人相，名一切神通智慧雲。清淨妙寶以為莊嚴。眾寶色光，彌覆其上。於中出現無量化佛。坐寶蓮華。往諸世界。為一切菩薩，一切眾生，演不思議諸佛法海。是為三十五。

鼻代表一個人的心，鼻樑端正的人，心術端正，佛陀的鼻有神通，稱作一切神通智慧雲。

五 舌: 示現音聲影像雲大人相

P447 如來舌有大人相。名示現音聲影像雲。眾色妙寶以為莊嚴。宿世善根之所成就。其舌廣長。徧覆一切諸世界海。如來若或熙怡微笑。必放一切摩尼寶光。其光普照十方法界。能令一切心得清涼。去來現在所有諸佛，皆於光中，炳然顯現。悉演廣大微妙之音。徧一切剎，住無量劫。是為三十六。

P448 如來舌復有大人相。名法界雲。其掌安平。眾寶為嚴。放妙寶光，色相圓滿，猶如眉間所放光明。其光普照一切佛剎。唯塵所成，無有自性。光中復現無量諸佛。咸發妙音，說一切法。是為三十七。

P448 如來舌端有大人相。名照法界光明雲。如意寶王以為莊嚴。自然恒出金色寶燄。於中影現一切佛海。復震妙音，充滿一切無邊世界。一一音中，具一切音。悉演妙法，聽者心悅。經無量劫，玩味不忘。是為三十八。

P449 如來舌端復有大人相。名照耀法界雲。摩尼寶王以為嚴飾。演眾色相微妙光明。充滿十方無量國土。盡於法界，靡不清淨。於中悉有無量諸佛，及諸菩薩，各吐妙音，種種開示。一切菩薩現前聽受。是為三十九。

佛陀的舌根在世間演唱佛法，修了大功德、大福報，因此如來的舌有四個大人相；其中一個是「示現音聲影像雲」，佛陀的法音隨著宣流會出現影像，在解釋佛相好時，好像看到佛就在眼前；在宣說淨土莊嚴時，令人身歷其境。猶如置身於淨土，這是非常重要的觀想。佛清楚的描述情境，依著語音、語意而現觀其境。

佛的舌根功德很大，可以示現音聲影像，大眾聽了後會感覺到一陣清涼，會解決自己的煩惱，這是佛陀宿世的善根而成就的，在十善業中，口業就佔了四項，可知修口德是很重要的，口業清淨便能成就舌根大人相。

六 上齶有一相

P450 如來口上齶，有大人相。名示現不思議法界雲。因陀羅寶。毗瑠璃寶，以為莊嚴。放香燈燄清淨光雲。充滿十方一切法界。示現種種神通方便。普於一切諸世界海，開演甚深不思

議法。是為四十。

七 牙有四相

P450 如來口右輔下牙，有大人相，名佛牙雲。眾寶摩尼卍字相輪以為莊嚴。放大光明，普照法界。於中普現一切佛身，周流十方，開悟群生。是為四十一。

P451 如來口右輔上牙，有大人相。名寶燄彌盧藏雲。摩尼寶藏以為莊嚴。放金剛香燄清淨光明。一一光明，充滿法界。示現一切諸佛神力。復現一切十方世界淨妙道場。是為四十二。

如來口左輔下牙，有大人相，名寶燈普照雲。一切妙寶，舒華發香以為莊嚴。放燈燄雲清淨光明。充滿一切諸世界海。於中顯現一切諸佛，坐蓮華藏師子之座。諸菩薩眾，所共圍遶。是為四十三。

P452 如來口左輔上牙，有大人相。名照現如來雲。清淨光明閻浮檀金寶網寶華，以為莊嚴。放大燄輪。充滿法界。於中普現一切諸佛，以神通力，於虛空中流布法乳法燈法寶，教化一切諸菩薩眾。是為四十四。

八 齒有一相

P453 如來齒有大人相。名普現光明雲。一一齒間，相海莊嚴。若微笑時，悉放光明。具眾寶色。摩尼寶燄，右旋宛轉。流布法界，靡不充滿。演佛言音，說普賢行。是為四十五

九 脣有一相

P453 如來脣有大人相。名影現一切寶光雲。放閻浮檀真金色，蓮華色，一切寶色，廣大光明。照於法界，悉令清淨。是為四十六。

十 頸有一相

P454 如來頸有大人相。名普照一切世界雲。摩尼寶王以為莊嚴。紺蒲成就。柔軟細滑。放毗盧遮那清淨光明。充滿十方一切世界。於中普現一切諸佛。是為四十七。

十一 肩有五相

P454 如來右肩有大人相。名佛廣大一切寶雲。放一切寶色真金色蓮華色光明。成寶燄網。普照法界。於中普現一切菩薩。是為四十八。

P454 如來右肩復有大人相。名最勝寶普照雲。其色清淨，如閻浮金。放摩尼光。充滿法界。於中普現一切菩薩。是為四十九。

如來左肩有大人相。名最勝光照法界雲。猶如頂上，及以眉間種種莊嚴。放閻浮檀金及蓮華

色，眾寶光明。成大燄網。充滿法界。於中示現一切神力。是為五十。

P455 如來左肩復有大人相。名光明徧照雲。其相右旋。閻浮檀金色摩尼寶王，以為莊嚴。放眾寶華香燄光明。充徧法界。於中普現一切諸佛，及以一切嚴淨國土。是為五十一。

如來左肩復有大人相。名普照耀雲。其相右旋。微密莊嚴。放佛燈燄雲清淨光明。充徧法界。於中顯現一切菩薩種種莊嚴，悉皆妙好。是為五十二。

十二 胸有十一相

P456 如來胸臆有大人相。形如卍字。名吉祥海雲。摩尼寶華以為莊嚴。放一切寶色種種光燄輪。充滿法界。普令清淨。復出妙音，宣暢法海。是為五十三。

P457 吉祥相右邊，有大人相。名示現光照雲。因陀羅網以為莊嚴。放大光輪。充滿法界。於中普現無量諸佛。是為五十四。

P457 吉祥相右邊，復有大人相。名普現如來雲。以諸菩薩摩尼寶冠而為莊嚴。放大光明。普照十方一切世界，悉令清淨。於中示現去來今佛，坐於道場。普現神力，廣宣法海。是為五十五。

P458 吉祥相右邊，復有大人相。名開敷華雲。摩尼寶華以為莊嚴。放寶香燄燈清淨光明。狀如蓮華。充滿世界。是為五十六。

吉祥相右邊，復有大人相。名可悅樂金色雲。以一切寶心王藏摩尼王，而為莊嚴。放淨光明，照於法界。於中普現猶如佛眼廣大光明摩尼寶藏。是為五十七。

P459 吉祥相右邊，復有大人相。名佛海雲。毗瑠璃寶。香燈華鬘，以為莊嚴。放滿虛空。摩尼寶王香燈大燄清淨光明。充徧十方一切國土。於中普現道場眾會。是為五十八。

P460 吉祥相左邊，有大人相。名示現光明雲。無數菩薩坐寶蓮華以為莊嚴。放摩尼王種種間錯寶燄光明。普淨一切諸法界海。於中示現無量諸佛，及佛妙音，演說諸法。是為五十九。

吉祥相左邊，復有大人相。名示現徧法界光明雲。摩尼寶海以為莊嚴。放大光明。徧一切剎。於中普現諸菩薩眾。是為六十。

P460 吉祥相左邊，復有大人相。名普勝雲。日光明摩尼王寶輪鬘而為莊嚴。放大光燄。充滿法界諸世界海。於中示現一切世界，一切如來，一切眾生。是為六十一。

吉祥相左邊，復有大人相。名轉法輪妙音雲。一切法燈清淨香藥以為莊嚴。放大光明。充滿法界。於中普現一切諸佛所有相海，及以心海。是為六十二。

P461 吉祥相左邊，復有大人相。名莊嚴雲。以去來今一切佛海而為莊嚴。放淨光明。嚴淨一

切諸佛國土。於中普現十方一切諸佛菩薩，及佛菩薩所行之行。是為六十三。

十三 手有十三相

P461 如來右手有大人相。名海照雲。眾寶莊嚴。恒放月燄清淨光明。充滿虛空一切世界。發大音聲。歎美一切諸菩薩行。是為六十四。

P462 如來右手復有大人相。名影現照耀雲。以毗瑠璃帝青摩尼寶華而為莊嚴。放大光明。普照十方菩薩所住蓮華藏摩尼藏等一切世界。於中悉現無量諸佛。以淨法身坐菩提樹。震動一切十方國土。是為六十五。

P463 如來右手復有大人相。名燈燄鬘普嚴淨雲。毗盧遮那寶以為莊嚴。放大光明，成變化網。於中普現諸菩薩眾，咸戴寶冠，演諸行海。是為六十六。

如來右手復有大人相。名普現一切摩尼雲。蓮華燄燈而為莊嚴。放海藏光。充徧法界。於中普現無量諸佛，坐蓮華座。是為六十七。

如來右手復有大人相。名光明雲。摩尼燄海以為莊嚴。放眾寶燄香燄華燄清淨光明。充滿一切諸世界網。於中普現諸佛道場。是為六十八。

P464 如來左手有大人相。名毗瑠璃清淨燈雲。寶地妙色以為莊嚴。放於如來金色光明。念念常現一切上妙莊嚴之具。是為六十九。

如來左手復有大人相。名一切剎智慧燈音聲雲。以因陀羅網金剛華而為莊嚴。放閻浮檀金清淨光明。普照十方一切世界。是為七十。

P465 如來左手復有大人相。名安住寶蓮華光明雲。眾寶妙華以為莊嚴。放大光明，如須彌燈。普照十方一切世界。是為七十一。

P461 如來左手復有大人相。名徧照法界雲。以妙寶鬘寶輪寶瓶。因陀羅網及眾妙相，以為莊嚴。放大光明。普照十方一切國土。於中示現一切法界一切世界海。一切如來，坐蓮華座。是為七十二。

如來右手指有大人相。名現諸劫剎海旋雲。水月燄藏摩尼王一切寶華，以為莊嚴。放大光明。充滿法界。其中恒出微妙音聲，滿十方剎。是為七十三。

P466 如來左手指有大人相。名安住一切寶雲。以帝青金剛寶而為莊嚴。放摩尼王眾寶光明。充滿法界。其中普現一切諸佛及諸菩薩。是為七十四。

如來右手掌有大人相。名照耀雲。以摩尼王千輻寶輪而為莊嚴。放寶光明。其光右旋。充滿法界。於中普現一切諸佛。一一佛身。光燄熾然。說法度人，淨諸世界。是為七十五。

P467 如來左手掌有大人相。名燄輪普增長化現法界道場雲。以日光摩尼王千輻輪而為莊嚴。放大光明。充滿一切諸世界海。於中示現一切菩薩。演說普賢所有行海。普入一切諸佛國土。各各開悟無量眾生。是為七十六。

十四 陰藏有一相

P467 如來陰藏有大人相。名普流出佛音聲雲。一切妙寶以為莊嚴。放摩尼燈華燄光明。其光熾盛，具眾寶色。普照一切虛空法界。其中普現一切諸佛。遊行往來處處周徧。是為七十七。

十五 坐處有二相

P468 如來右臀有大人相。名寶燈鬘普照雲。諸摩尼寶以為莊嚴。放不思議寶燄光明。彌布十方一切法界與虛空法界。同為一相。而能出生一切諸相。一一相中，悉現諸佛自在神變。是為七十八。

P469 如來左臀有大人相。名示現一切法界海光明彌覆虛空雲。猶如蓮華。清淨妙寶以為嚴飾。放光明網。徧照十方一切法界。於中普現種種相雲。是為七十九。

十六 髀有二相

P469 如來右髀有大人相。名普現雲。以眾色摩尼而為莊嚴。其髀與膺上下相稱。放摩尼燄妙法光明。於一念中，能普示現一切寶王遊步相海。是為八十。

P469 如來左髀有大人相。名現一切佛無量相海雲。一切寶海隨順安住以為莊嚴。廣大遊行。放淨光明。普照眾生。悉使希求無上佛法。是為八十一。

十七 膺有三相(尸メ弓指小腿肚子，即腓腸肌部位。)

P470 如來右邊伊尼延鹿王膺，有大人相。名一切虛空法界雲。光明妙寶以為莊嚴。其相圓直。善能遊步。放閻浮金色清淨光明。徧照一切諸佛世界。發大音聲普皆震動。復現一切諸佛國土。住於虛空寶燄莊嚴。無量菩薩從中化現。是為八十二。

P471 如來左邊伊尼延鹿王膺，有大人相。名莊嚴海雲。色如真金。能徧遊行一切佛刹。放一切寶清淨光明。充滿法界。施作佛事。是為八十三。

如來寶膺上毛，有大人相。名普現法界影像雲。其毛右旋。一一毛端放寶光明。充滿十方一切法界。示現一切諸佛神力。其諸毛孔悉放光明。一切佛刹於中顯現。是為八十四。

十八 足有十三相

P472 如來足下有大人相。名一切菩薩海安住雲。色如金剛閻浮檀金清淨蓮華。放寶光明。普

照十方諸世界海。寶香燄雲處處周徧。舉足將步。香氣周流。具眾寶色。充滿法界。是為八十五。

P472 如來右足上有大人相。名普照一切光明雲。一切眾寶以為莊嚴。放大光明。充滿法界。示現一切諸佛菩薩。是為八十六。

P473 如來左足上有大人相。名普現一切諸佛雲。寶藏摩尼以為莊嚴。放寶光明。於念念中，現一切佛神通變化，及其法海。所坐道場，盡未來際劫無有間斷。是為八十七。

P473 如來右足指間有大人相。名光照一切法界海雲。須彌燈摩尼王千輻燄輪種種莊嚴。放大光明。充滿十方一切法界諸世界海。於中普現一切諸佛所有種種寶莊嚴相。是為八十八。

P474 如來左足指間有大人相。名現一切佛海雲。摩尼寶華香燄燈鬘一切寶輪以為莊嚴。恒放寶海清淨光明。充滿虛空。普及十方一切世界。於中示現一切諸佛及諸菩薩。圓滿音聲。卍字等相。利益無量一切眾生。是為八十九。

P474 如來右足跟有大人相。名自在照耀雲。帝青寶末以為莊嚴。常放如來妙寶光明。其光妙好。充滿法界。皆同一相，無有差別。於中示現一切諸佛坐於道場。演說妙法。是為九十。

P475 如來左足跟有大人相。名示現妙音演說諸法海雲。以變化海摩尼寶，香燄海須彌華摩尼寶，及毗琉璃而為莊嚴。放大光明。充滿法界。於中普現諸佛神力。是為九十一。

如來右足趺有大人相。名示現一切莊嚴光明雲。眾寶所成。極妙莊嚴。放閻浮檀金色清淨光明。普照十方一切法界。其光明相，猶如大雲。普覆一切諸佛道場。是為九十二。

P475 如來左足趺有大人相。名現眾色相雲。以一切月燄藏毗盧遮那寶，、因陀羅尼羅寶而為莊嚴。念念遊行諸法界海。放摩尼燈香燄光明。其光徧滿一切法界。是為九十三。

P476 如來右足四周有大人相。名普藏雲。因陀羅尼羅金剛寶以為莊嚴。放寶光明。充滿虛空。於中示現一切諸佛。坐於道場摩尼寶王師子之座。是為九十四。

P477 如來左足四周有大人相。名光明徧照法界雲。摩尼寶華以為莊嚴。放大光明。充滿法界。平等一相。於中示現一切諸佛及諸菩薩自在神力。以大妙音，演說法界無盡法門。是為九十五。

P477 如來右足指端有大人相。名示現莊嚴雲。甚可愛樂閻浮檀清淨真金。以為莊嚴。放大光明。充滿十方一切法界。於中示現一切諸佛及諸菩薩無盡法海。種種功德神通變化。是為九十六。

左足:現一切佛神便雲大人相

P478 如來左足指端有大人相。名現一切佛神變雲。不思議佛光明月燄普香摩尼寶燄輪。以為莊嚴。放眾寶色清淨光明。充滿一切諸世界海。於中示現一切諸佛及諸菩薩，演說一切諸佛法海。是為九十七。

一一介紹到最後，第九十七相，如來的左足趾端也有大人相，可以現一切佛的神變，藉由佛陀的神通變化，從足指放光，光中可以演說一切佛法。

相好由累劫修成

P478 佛子。毗盧遮那如來。有如是等十華藏世界海微塵數大人相。一一身分，眾寶妙相以為莊嚴。

以上可以看到，這些都是毗盧遮那如來的正報，佛陀累生累劫的修行，無時無刻不在行菩薩道，永遠給眾生最好的供養，因此他的報身也感得最好的大人相。

由此可知，欲成就莊嚴的相貌，行住坐臥，眼耳鼻舌身，都要向佛學習。同樣是眼，佛陀的眼是慈眼視眾生，我們卻常以白眼、斜眼視眾生。同樣是口，佛陀演說妙法，令眾生心開意解，而我們就用三寸不爛之舌騙人、諍鬥、論人長短。佛陀的身，行步莊重沉穩，步步生蓮，每一步都為了要廣度眾生，每一步都是有功德的。

學習佛陀如何善用身口意，漸漸的就會成就大人相，都是「眾寶妙相以為莊嚴」。